

2 Korint

1 ¹Ŋai Pol, ŋai Jesus Kristus san aposel, Anut ilon yen dan ago, id teid Timoti ŋai da girek en migire ya. Maŋ girek en aŋ Anut san midaeŋ Korint na amado dan, agod tamolpein fidian a Anut idiraig gun dilasa yan Akaia provins ilon lo dumado dan dam, sam na girek en migane ipalu da. ²Anut a idsad Tamad an, iŋ Jesus Kristus idsad Tubun en da iŋaned ilo panek maror da aŋ ka dupanaŋ a.

Muruan saen lo Anut ilo maror ipanama da

³⁻⁴Maŋ Anut, Jesus Kristus maŋanema Tubun en Taman per mupani wa. Man ata wo, iŋ gidad maŋsama madai funfun an lo ilo maror ipanama da. Iŋ ilo muŋanek fidian san Taman, agod iŋ maror fidian san Anut, an niŋen o maŋ muruan fidian mukubiani dan lo maror ipanama da. Nek fun amaiak niŋen o ilo maror a maŋ Anut lo miŋane amaiak niŋen o, tamolpein a madai naok funfun disini dan ilo maror naon kisaek an mupidinaŋ o maŋ idaisuda ya. ⁵Man dugo, nek ibol maŋ Kristus da sisem iŋsan madai tubun mi misini dan, nek ago mi maŋ iŋ da sisem iŋsan ilo maror tubun mi miŋane da. ⁶Tamolpein maŋ ru aŋ lo mufulale dop an lo muruan dupanama tap, an ilasa san fun man, Anut ilo maror iŋ patun pasek da aŋ ipanaŋ a. Agod Anut maŋ dam ilo maror ipanama tap, nek ago mi mel an ilo maror aŋ dam ipanaŋ a. Saen aŋ madai a maŋ misini dan ago mi asini dop an lo atur sakar dan lo, ilo maror amaiak ale wa. ⁷Maŋ ago agane wo iloma yen da, agod maŋsama kankan mel an san aŋ lo dabai anda yen da. Man dugo, maŋ malon ak nek ibol aŋ maŋ da sisem madai funfun tukubiani dak, nek ago mi ilo maror dam aŋ maŋ da sisem tukubiani wa.

⁸Teig taog, aŋ mel en niŋen aŋaon o man maŋ iloma ta ibol na da. Saen maŋ Esia provins lo mumado dugo muruan tubun mi misini se ya. Maŋ mukubiani ak ibol dibilama tan na madug duparfufaramag matur dabai san tia yak igo ya. An lo maŋ iloma lo gamu en mamat dak ago mabol a. ⁹Rumok, maŋ iloma lo ibol tamol kot lo itur go mateŋ ile wo dubol ak igo ya. Kagin an ilasa yan fun man, maŋsema wagama lo ta matur na wa, tia, Anut nek a talpein dumat ak ifufunaip dumasa den

mi tinima mupani wa. ¹⁰Inj materj saian geig ak sumeik mile wo dugo ipasama injiliama ya, agod inj nek ago mi igane yau a. Man dugo, man inj pempem patuma ipasi wo tinima inj mi mupani da. ¹¹An ningen anj dam anjsam gudanek lo manj abinawama wa. Anj wei mi anjsam gudanek an Anut ilonj dop an lo manj ibinawama wa. Ago dop tamolpein wei mi binawek uyanan Anut ipanama yan ningen o ilo uyan dupani wa.

Pol ilon san ilo girek ibileksa yak san fun

¹²Manj malak malak ru en ka murupaianj a. Manj tan en lo, agod anj malam lo dam kagin uyan ak mi migane na ya. Manjsama ru man rumok ago mi manjsama kagin naok naok dam gun a, man dugo, Anut kagin mi muri mupani se ya. Manj tan en san manjau uyan uyan ak lo urat ta migane na ya, tia, manj nek Anut sinan manjau a ipanama yan lo mi urat migane se ya. ¹³⁻¹⁴Girek e migireg anjsam na migane ipalu den ta imianuk na ya. Tia, girek an anj asutip kuai tem ka alonj uyan a. Anj gamu manj ta alonj uyan na ya, gug murna dop anj manj alonj uyan ak ago iloma ibol da. Ago dop saen Jesus idsad Tubun en imul ipalu wan ante dop anj manj yanama abisa wa, nek ibol manj dam anj yanjam mabisa wak ago ya.

¹⁵⁻¹⁶Ŋjai anj ninemi wo ilog lo rumok ak anj manj alonj uyan pe anjanem tini ganei manj lo agane wan ningen o, ŋai ilog igo yen a. Ŋjai anjsam na ŋupalu gup murna Masedonia na ŋau a, agod fon Masedonia ŋibiseip anjsam na ŋupalu da wa. Ago dop man manj anj da saen uraru tumado wan ningen ilom uyan dop ŋai adinag pe Judea na ŋau a. ¹⁷Dugo, saen ŋai ilog ago yen dan lo, ŋai baleg uraru i? Tia, ibol tan en san tamolpein ilo sou digane dan ago, inj awok dubol gup fon tia dubol dan ago ilo girek ŋigane di? Tia geig a. ¹⁸Anj Anut injsinanen ru iganuri dak ago alonj tap, anj ru e murupaianj den ru rumok an dam alonj a. Manj “awok” inj “tia” da sisem ta mabol na wa. Manj tamol naok ago yak tia ya. ¹⁹Ŋjai Sailas da, agod Timoti dam, manj anj naom na Anut Nanun Jesus Kristus ningen o mabol ilasa ya. Ak dugo, Jesus Kristus injsen nek ibol tan en san tamolpein igo wonj balen uraru lo ru ibol i? Inj tamol balen uraru san tia ya, tia, inj saen fidian mel uyan ak ningen o mi awok ibol da. ²⁰Man dugo, Anut san awak aban a ipanad an fidian Jesus Kristus lo nuŋon dufug fidian idaisuda ya. An fidian niŋedi wo Jesus “Awo” ibol da. Fun amaiak ningen o saen id Anut tugudani dop Jesus yanan lo “Rumok” tabol da. Agod kagin an lo id Anut yanan tabisa da. ²¹Gug Anut injsen mi Kristus lo anj manj da sisem itumanad go ilo rumok lo kisaek tilasa ya. Agod inj id ipilianad a. ²²Injsan Ur id ilod lo igane ya. Kulob naok en lo id injsan mok ago kob ipanad a. Fun an ningen o saen injsan Ur id lo yen dan talonj uyan dop man, id talonj ak id injsan mok a.

²³Aria, ŋai Anut ŋuwaginj dop ŋaisag ru en ilonj pe isatuanag a. Ŋai Korint na ta ŋupalu na yan san fun igo. Ŋai anjsam naok naok aenta ŋile

yak ta itaot na ya, an ningen saen ante nupalup an muruan nupanan man namoi a. ²⁴Man gurman igo milasap anjam ilo rumok mititiani wo man mamoi a. Tia, man an da sisem urat tigane dop an lo anjam yousai ilom lo awan isa wa. An Jesus ilom lo rumok an lo atur sakar o iloma ago ibol da.

2 ¹Ak man nai ilo sou igo nigane ya, nai fon anjam na nupalup an lo madai nupanan o man namoi a. ²Nai ilo uyan lo mi anjam na nupalu wo ilog ibol da. Ak nai ilo saiak nupanan tap, ante talpein ta nai ilo uyan ipanag san tia ya. ³Naisag girek imug mi nigire yan lo, an ananem madok akubune wo ago nigire ya. Fun man saen nai anjam na nupalu wan lo, tamolpein a nai ilo uyan dupanag o ilog ibol dan in nai ilo muruan an fon ta dupanag na wa. An ningen o nai ilo sou igo nigane ya. An ananem madok akubunep itaot dop man, an nai da sisem ilo uyan lo mi tumado wa. Agod nai nalon ak an naisag ilo sou aganuri wa. ⁴Nai an ninemi wo ilog muruan ak, ilog saian go malag turon idu dugo girek imug an nigire ya. An san fun man naisag girek an lo an muruan nupanan o ta nigire na ya. Tia, naisag ilo munanek an lo yen dan alon uyan o ago nigane ya.

Pol midaen aupasek adi ilod dupidinai o ibol a

⁵Dugo, ta an lulunam lo imug mi muruan nai ipanag ak i? Rumok a, ago gug nai o mi tia ya, tia, o kabel, nai ago nurupaian da, in midaen fidian o ilo muruan ipanag a. ⁶An talpein an muruan apani yau o ta agane na wa, man dugo, midaen in muruan dupani la yan idaisuda ya. ⁷An ningen o injam aupasek an apare idu dop lo ilon pasa ibol a. Kabelan ilo muruan tubun kasik lo ilon idu yaup malan isue saian geig banau. ⁸An ningen an igo agane wo nurupaian da, an fon ilom apani mok a. ⁹Man dugo, nai an nukubianan go nilian a, an mel fidian lo nai awag aganuri boi, tia boi, ago nalon a. Nai girek a imug mi nigire yan san fun ago ya. ¹⁰Talpein a injam aupasek apare idu yan, nai dam injam muruan nupare idu wa. Agod muruan ta nupare idu na yak tap man, an Kristus naon na an nibinawan san o ago nigane ya. ¹¹Ago dop lo nai Satan naon dal nufou wa, kabelan in dal ta kuai ipanip lo id irawad dop talpein an tipitinini banau. Man dugo, id injam ilo sou saiak mianuk an talon fufei a.

Kontrak foun ak san urat tamol adi

¹²Saen nai Troas na Kristus san bilalun nufulale wo nupalu yan, atna Tubun ak injam bilalun ifurak pe yau san ningen dalawan ipasi panag dugo nile ya. ¹³Ak man nai ilo maror amag tia ya. Man dugo, nai id teid Taitus ningen o abanan nabi ak man atna ta nile na ya. An ningen o nai Troas tamolpein an nubisawaig Masedonia tan lo nau a.

¹⁴Man Anut yanan mabisa wa. Man dugo, pempem mi in Kristus lo imug yau da, agod mansama ager fidian ibiai dudu yan ningen o man

yousai lo muri mupani da. Anut tamolpein maŋ lo ipiteŋanai dan lo, iŋsad maŋau Kristus niŋen o amaiak ibol mumalun siŋaokan ta bulbal ak igo woŋ igane ifurak pe gidigidad yau da. ¹⁵Man dugo, gidad maŋ tamolpein a Anut patud ipasi dan lulunad lo matur boi, tia, ensauta a daoŋ lo diau dan lulunad lo matur boi, Anut maŋ mumaluma iwen ilon a, man dugo, maŋsama mumaluma man nek ibol Kristus mumalun igo woŋ a. ¹⁶Tamolpein a daoŋ lo diau dan maŋ mumaluma man ibol tamol imat la yak mumalun igo woŋ ago dubol da. Warou an mateŋ lo dudu diau a. Gug ensauta a patu pasek diŋane dan maŋ mumaluma nek ibol mel kumaen mok ak san mumalun igo woŋ ago dubol da. Warou an kumaen yen yau san an diŋane wa. Enti iŋ urat naok ago yak igane san idaisuda i? ¹⁷Maŋ man tamol aenta Anut san ru dufulale dop lo moni diŋane wo digane dan ago tia ya. Ilo sou mianuk ago yak maŋ lo tia ya. Tia, maŋ tamol nuŋon igo woŋ, Anut malan lo iŋsan ru mabol ilasa da. Urat an Kristus lo migane wo Anut ipilianama ya.

Aposel adi man kontrak foun ak san urat tamol

3 ¹Dugo, afon maŋ fun miganeg sema yaŋama mabisa wo migane di? Dugo, maŋ ta idaisuda na yak i? Ago yak niŋen o aŋ girek ta maŋ Anut san urat tamol mok ago ibol dan apanama wo iloma ibol di? Tia, dag talpein sen ak girek naok ago yak ta dupanaŋ o iloma ibol di? ²Tia, aŋsem mi man, maŋanema girek ta kuai tem ibol da, an lo tamolpein aŋ diliaŋ dop duloŋ ak maŋ Anut san urat tamol mok a. Man dugo, girek an aŋ bubem ilon lo Kristus igire idu la ya, an lo tamolpein fidian dusuti dop aŋanem nao lalek dile duloŋ a. ³Aria, aŋanem kagin naok naok an tamolpein ikubiai dile ya, aŋ Kristus san girek igane ipalu yak igo ya. An gau nam igire yak igo tia ya, tia, an Anut a kumaen imado dan san Awan Urgan nam igire ya. Pat fo na ta igire na ya, tia, an aŋ ilom lo igire idu ya.

⁴Maŋ Kristus tinin log Anut tinima mupani da, an lo kagin an aŋ lo ago ilasa wa. Aŋ ago amado san iloma dabai a. ⁵Maŋsama man ta idaisuda na ya, agod mel ta maŋ tamol sama dabai lo migane ilasa yak ago ta mabol na da. Tia, Anut sen dabai ipanama yan lo ago ka migane wa. Fun amaiak niŋen o mi maŋ idaisuda ya. ⁶Iŋsen maŋ ipilianama go iŋsan urat tamol igo milasag, kontrak foun amaiak san urat migane da. Kontrak wagam an pepa roun fo digire ya. Ak gug kontrak foun an pepa roun fo ta digire idu na ya. Tia, an man Urgan san urat a. Kubiaeŋ a digire yan man iŋ tamolpein ifu dumat da. Gug Urgan man iŋ tamolpein kumaen ipidinai da.

⁷Saen Anut kubiaeŋ Moses ipani man pat fo igire gug ipani a. Kulob an girager tubun ak da ipalu yan lo, girager an san lilaman, rurek san, an Moses naon fo na yen a. Lilaman an niŋen o, gidad an kute ibol dak ago

bo man, Isrel adi Moses naon dile san dumoi. Aria, kubiaen man girager da ipalu bo man, kubiaen an tamolpein ifu dumat na ya. Kubiaen san saen in man tamolpein dumat ak san saen mi a. ⁸Gug Awan Urgun ipalu la ya, amaiak ninen o gamu en man Urgun san saen a, an lo kontrak foun ak san girager an lak na geig yau a. An ninen o an dugo ilom isou di? Dugo, kontrak wagam ak a tamolpein ifu dumat ak in san girager an kontrak foun ak san girager irinani i? Man tia geig a. ⁹Man dugo, kontrak wagam an tamolpein idiraig dideg diau a. Ago bo man in san saen lo girager tubun yen na ya. Amaiak ninen o kagin itaot ak san saen e gamu yen den lo, nal en san girager amaiak nal imug ak san girager irinani a, agod lak na geig yau a. ¹⁰An ninen o id tile yak, kontrak wagam ak girager aman da ya, ago gug gamu in san girager an yau itout manon a. Man ata wo? Kontrak foun ak san girager tubun geig an lo kontrak wagam an imiani da. ¹¹Man dugo, mel a kute ibol go itout yau amaiak girager da ipalu ya. An rumok tap, mel a pempem mi yen yau an, in san girager man tubun kasik a.

¹²Amaiak ninen o kontrak foun ak san girager pempem san ninen o mala nouk tumado da, an ninen o man tamolpein malad lo matur dop ru mufulale wo ta marer na da. ¹³Man Moses igo tia ya. Tia, in yamel naon ibuluwig an lo dop Isrel tamolpein in naon fo girager a kute ibol dan ta dulon na wa. ¹⁴Yamel an man Isrel tamolpein sad mitilaen igo ya. Gubak mi man Isrel ilod pat igo ya, an ninen o Anut san ru dinane wo dumoi a. Agod in gubak mi igom gamu dam naod kisaek mi a. Saen in kontrak wagam an san ru dusuti tap, yamel naon kisaek an nam dulon san kankan ibalfutani da. In gamugo yamel an dupasi a. Man dugo, saen in Kristus dinane dop yamel an Kristus ipasi yau a. ¹⁵Awo, wagam mi agog ipalug gamu en, saen in Moses san kubiaen dusuti dop man yamel ta tareen igo won in sad ulon an ibalfutani da, an lo ata mel rumok an dulon san tia ya. ¹⁶Ak man saen talpein ibileksap Tubun en san na yau dop man, Tubun en yamel an ipasi yaup lo talpein an aban ile wo uyanan a. ¹⁷Aria, Tubun en in Ur, agod aben a Tubun en san Ur yen dan te man in san tamolpein bigabeg urat tia kawan dumado da. ¹⁸Agod id ensauta a yamel malad ta ibalfutani na dan, id tig igo won Tubun en san girager id naod kapen fo yan isapudade dugo imul yau da. Ago dop girager ta san na tupalu dop girager subunan taidam san na tau da, nek ago Tubun en idirad pe tibileksa yau on da, an lo in sen igo mi ago tilasa wa. Man dugo, kulob en man Tubun ak enti a Ur an, in san nag ipalu ya.

Melmel sinakan geig ak bod saiak lo dien da

4 ¹Amaiak ninen o man urat e Anut san ilo munanek lo mabi den ninen o, iloma ta idu na da. ²Man kagin naok naok miai san an fidian gigin na midiri a. Man raek kagin lo ta mator na da. Anut san ru

dam mukubuli wo mamoi da. Tia, maŋ Anut malan lo tamolpein naod na ru rumok ak mi mabol ilasa da. Ago dop lo tamolpein fidian iŋ maŋ tamol naok dugo yak niŋema wo ilo sou digane dop an lo dilep Kristus san urat an itaot mi migane da. ³Gug maŋsama bilaluŋ imianuk tap, an tamolpein a dideg diau dan iŋsad ilo sou lo mi imianuk a. ⁴Tamolpein an tan en san tubud Satan, iŋsad ilo sou yabi idu yan lo, tamol malad itau igo woŋ dilasa ya. An niŋen o lilaman iŋsad na ipalu dan dile san tia ya. Lilaman an man Kristus san girager, an bilaluŋ uyanan ak ilon lo yen da. Agod Kristus man naon Anut naon igo ya, ago gug an dile san tia ya. ⁵Maŋsema niŋema wo ru ta mabol na da, tia, maŋ Jesus Kristus niŋen o mi mabol ilasa da. Agod bilaluŋ e mufulale den man, Jesus Kristus iŋsen mi idsad Tubun a. Agod Jesus niŋen o maŋ man aŋanem urat tamol adi, nek an mi a. ⁶Wagam Anut igo ibol, “Tidom tubun ilon lo lilaman ta ided a.” Anut nek amaiak mi maŋ bubema ilon lo lilaman iganeg ided da. Lilaman an man, maŋ Anut san girager niŋen maŋau am da ya. Agod girager an san lilaman Kristus sen naon fo na ided dugo mile ya.

⁷Rumok, filian siŋaokan amaiak maŋ mabi da, ak man iŋ bod saiak ilon lo yen da. An Anut san ilo girek, an lo dop iŋ maŋ ikubiai panamap, dabai a tubun kasik an iŋsan mi, maŋsama tia wa. ⁸Muruan naok sensen dupanama da, gug ta duparfufarama na da. Mel saian wei mi marer san mile da, gug iloma ta idu na da. ⁹Maŋsama ager dukudama da, gug Tubun en ta ibisawama na da. Maŋ dufunama dibilama madu da, gug ta dipitiŋinama na da. ¹⁰Maŋ saen fidian Jesus san mateŋ an tinima lo misini mator da, ago dop man iŋsan kumaen an maŋ tinima lo tamolpein kuai tem dile wa. ¹¹Man dugo, saen fidian maŋsama tureŋ lo Jesus niŋen o mateŋ lo madu mau o dibilama se ya, an lo dop iŋsan kumaen an maŋ tinima tan en san lo kuai isi wa. ¹²Amaiak niŋen o, mateŋ maŋ lo urat igane dak, gug kumaen man aŋ lo urat igane da.

¹³Tamol ta Isrel sad bar lo igo ibol, “Ŋai ilog lo rumok a. Amaiak niŋen o ŋai ru ŋabol ilasa ya.” Tamol a ŋutun lo ilo rumok yen dan ago mi maŋ dam iloma lo rumok an lo ru mabol ilasa ya. ¹⁴Maŋ malon ak Anut a iŋ Jesus Tubun en ifufuni yabisag kumaen ipani an, iŋsen mi maŋ dam ibiamasap, Jesus da sisem iŋiliamap, aŋ da sisem kumaen panu na tiladu dop, Anut naon na tatur a. ¹⁵Amaiak niŋen o muruan a fidian misini dan man aŋ ibinawaŋ o misini da. Agod saen Anut san ilo panek ifufurak yau dop tamolpein wei mi ilo panek an diŋanep per dupani dop lo iŋsan girager lak na geig isuda yau a.

**Aposel sad tinid man dabai itout, gug tinid
ilon lo dabai foun ak diŋane ya**

¹⁶Fun an niŋen maŋ iloma ta idu na da. Gidad maŋ tinima tan san en dabai itout ak, gug tinima ŋutun san man nal kisaek kisaek atem dabai

foun ak iḡane ipalu da. ¹⁷Man dugo, muruan e saen katukan mi yen san ak misini den man, girager tubun kasik bageu san ikubune panama da. Girager an pempem mi yen a, agod iḡanen tubun an tou mupani san maṅ ta idaisuda na wa. An niḡen o muruan gamu misini den an mel kawan mok a. ¹⁸Man ata wo? Maṅ melmel a kuai isi la yak meil o malama ta yau na da. Tia, melmel a meil san tia yan amaiak niḡedi wo mi iloma isou da. Man dugo, melmel e meil den man saen katukan mi dien a, ak gug melmel a meil san tia yan man pempem mi dien a.

Pol tinik foun ak san ru faḡan an ipidinai a

5 ¹Maṅ malonḡ ak tan en san ab gamu lo mumado den saian tap, maṅ ab sen ta Anut san na yak ka miḡane wa. Ab an tamol banin nam ta iḡane na ya, tia, ab an Anut sen ikubune panama ya, agod kumaen panu lo pempem yen yau a. ²Tan na maṅ tinaḡ lo mi mumado da, an niḡen maṅ tinima foun a kumaen panu lo yen dan miḡane wo yaes isofutanama da. An lo nek ibol kulos foun ak ituanama san igo wonḡ, maṅsama tinik foun an miḡanep ilon lo mumado wo yaes ifunama da. ³Ago dop saen maṅ mamat dop maṅ ur tinin tia yak igo wonḡ ta mator na wa. Tia, maṅ tinik foun ak kumaen panu san an mitabug pe lo mumado wa. ⁴Saen maṅ tan en san tinik lo mi mumado dop man, maṅ tinaḡ migane dop iloma isasau a. Ata wo maṅ ago migane di? Dugo, maṅ mamat pe ur tinin aman tia yak igo wonḡ milasa wo iloma ibol di? Tia. Maṅ maṅsama tinik foun ak mitabug o iloma ibol da. Ago dop tan san tinik e imat san en itout yau dop lo, tinik a kumaen pempem san an, tan san en, aben iḡane wa. ⁵Mel e maṅ miḡane san man, Anut iḡsen mi kubunek lo idirama la ya. Agod iḡanen Ur an man, kumaen foun en san satuanek igo ya. Ur a ipanama yan lo maṅ rumok malonḡ ak mel en ilasa wa.

⁶An niḡen saen fidian maṅ sema iloma musatumani da. Agod maṅ malonḡ ak saen maṅ tinik en lo mumado den maṅ Tubun en san na asau mi mumado da. ⁷Man dugo, maṅ ilo rumok lo mi mator da. Maṅ mel mile malonḡ ak lo ta mator na da. ⁸Ṃjai ḡabol, maṅ sema iloma musatumani da, ago gug maṅsema gidad, tinima mibiseip Tubun en san panu na ida mumado tap man, an uyanan geig a. ⁹Kulob naok e maṅsama kob igo miganeḡ lo mau duman, maṅ Tubun ak ilo uyan mupani wa. Gidad maṅ tan en lo mumado boi, tia, kumaen panu lo mumado bo man, maṅ iḡ ilo uyan mupani wa. ¹⁰Man dugo, id fidian mi Kristus naon na bitinaek lo tatur a, ago dop id anen anen atem tan na tumado dugo kagin uyan saian tigane na yan atem naon tiḡane wa.

Maṅ Anut san nao ḡanek tamolpein

¹¹Amaiak niḡen o maṅ maṅsama rurek Kristus lo malonḡ uyanan an lo, tamolpein ilod miḡane da. Anut maṅ dugo yan ilonḡ uyan a, agod ḡai ilog

ibol dak aŋ dam bubem lo maŋ dugo yan aŋ alonŋ uyan a. ¹²Aŋ naom na fon sema kuai te idirama milasa wo ago ta migane na da, tia, aŋ maŋsama yaŋama asini san fun alonŋ o ru en mabol da. An lo man, aŋ ka tamol a iŋsiganed yaŋad niŋen o mi ilod isou dugo iŋaned ilodi niŋen o ilo sou ta digane na dan, ru naon uyan ak apidinaŋ a. ¹³Ak dugo, maŋ niŋenŋ burau ak ta minjinenŋ tap, an Anut o ago migane ya. Gug niŋenŋ itaot ak minjinenŋ tap, an ibinawaŋ san a. ¹⁴Man dugo, Kristus san ilo panek amaiak maŋ ititianama da. Maŋsama ilo rumok man mel en rumok a, tamol kisaek mi tamolpein fidian sad abed iŋane wo imat a. Ago yan niŋen o tamolpein fidian sad madok wagam an lo dumat a. ¹⁵Ago dop tamolpein ensauta a kumaen dumado dan fon sed niŋedi wo ta dutor na wa, tia, iŋ Kristus a iŋ waged lo imat go fon kumaen imasa amaiak o mi dutor a.

¹⁶An niŋen o gamu saen e yau den, maŋ tamolpein tan en san ilo sou lo ago ta meil na da. Rumok, maŋ imug mi Kristus tan en san tamol igo woŋ mile ya, ak man gamu man fon ago ta migane na da. ¹⁷Fun an niŋen o talpein ta Kristus lo imado dak ago tap, Anut iŋ talpein an iŋaneg foun ilasa ya. Kagin a wagam iŋsan madok imug ak san an fidian ibisei a. Rumok nuŋon, iŋsan kagin wagam ak ibisei yau itout go iŋ foun ilasa ya. ¹⁸Kulob an fidian sad fun man Anut mi a. Iŋsen mi Kristus lo iŋsan turan muroun idirad a. Agod Anut iŋsen maŋ tamolpein maŋal dop iŋanen turan muroun midirai san urat migane wan, maŋ banima lo igane ya. ¹⁹Ijai igo ŋabol, Kristus lo Anut iŋ tamolpein a tan titin fidian lo dumado dan, iŋsan turan muroun idirai san niŋen o urat igane ya. Agod saen ago igane yan, iŋsad aupasek fidian gigin na idiri dugo an niŋen ilon ta isou na ya. Agod iŋ bilaluŋ e id ka Anut turan muroun tilasa san en maŋ ipanama ya, ago dop maŋ awama lo an mabol ilasa wa. ²⁰An niŋen o maŋ Kristus wagen lo iŋsan nao ŋanek tamol igo woŋ mumado da. Maŋ awama lo Anut tamolpein ilod iŋane wo ru ibol da. Amaiak niŋen o maŋ Kristus wagen lo mududuwaŋ dop, aŋ Anut da nug turan mok alasa wa. ²¹Kristus iŋsen aupasek ta igane na yak bo man, Anut id abed lo iŋaneg iŋ aupasek tamol igo woŋ ilasa ya. Ago dop id Kristus da tutumani an lo Anut san kagin itaot mok an id ŋutud lo ilasa wa.

6 ¹Amaiak niŋen o, maŋ Anut da sisem urat migane dan niŋen o igo mududuwaŋ da, aŋ Anut san ilo panek an mel kawan igo woŋ ta aŋane na wa. ²Man dugo, Anut igo ibol,

“Saen a uyanan an lo ŋai oŋ awa ŋaloŋ a,
agod patu pasek san nal lo oŋ ŋibinawo ya.”

Aloŋ uyan, nal e gamu yen den man saen uyanan a, agod patu pasek san nal an man gamu en mi a.

Muruan funfun Pol isini se ya

³Maŋ talpein ta san dal mufou dop ŋien isuep yau idu man mamoi a, an lo aenta maŋsama urat ta dile saian na wa. ⁴Tia, maŋ Anut san urat

tamol mok an mi dal funfun en igo mukubiaig dile ya. Muruan lo iloma ta isali na yan lo, madai lo, tinima san melmel ninen katuk ama yan lo, iloma irer dan lo, bu dupanama dan lo, ⁵subanek lo, aban daon digane san saen lo dufutanamag dububujanama yan lo, urat wagai lo, tawan miganeg mumado yan lo, anan o geg migane yan lo, ⁶kagin ikokan lo, manau lo, mos kagin lo, ilo mujanek lo, Awan Urgan lo, ilo panek mok ak lo, ⁷ru rumok ak lo, Anut san dabai lo, kagin itaotan ibol wagai san mel banima won ak lo, nas ak lo dam, man Anut san urat tamol mok an kuai tem mukubiaig dile se ya. ⁸Man dipitianama dak, dibiama madu da. Man yanama diabisa dak, man yanama dipitini da. Man sewak tamol ago dubol da, ago gug man man tamol nunon mi a. ⁹Man ta dulon na dak ago dubol da, ago gug man dulon uyanan da. Man mamat manon a, ago gug kumaen mumado yau on da. Man bu dupanama da, ago gug ta mamat na da. ¹⁰Man iloma ipapao da, ago gug pempem yousai lo mi mumado da. Man filiama tia ya, ago gug man tamolpein wei mi midirai filian tamol dilasa da. Man mel amama tia ya, ago gug mel fidian mansama mi a.

¹¹O Korint tamolpein, man bubema awan mupasi panan go ru kuai tem murupian da. ¹²Mansama ilo panek an o yen dan ta mabituan na da. Tia, ansem mi ansam ilomi man ninem o an abituani da. ¹³An ninen o nai nek ibol tamol ta gamu nanuk irupidai dak igo won igo nabol da, an bubem awan apasip man ninema wo dam amat a.

Anut san ubou ab

¹⁴An tamolpein ilo rumok tia yan dida ta atumanip, urat agane na wa. En dugo, kagin uyan ak saian ak da sisem nug ka diganuri wak i? En dugo won pe tidom in adian da ka dutumanip nug turan igo won dutor ak i? ¹⁵En dugo won pe Kristus in Satan da ka dutumani wak i? En dugo won pe tamol ilon lo rumok ak in tamol ilon lo ta rumok na yak da awad kisaek ak i? ¹⁶En dugo won pe Anut san ubou ab in ai pat sad mitilaedi da sisem ka dutumani wak i? Man dugo, id man Anut a kumaen imado dan san ubou ab. Anut sen igo ibol,

“Inai in dadi mumado wak, in lulunad lo nator a.

Inai man insad Anut, agod in man naisag tamolpein.”

¹⁷“An ninen o an tamolpein ilod rumok tia yan abisawaip sen alasa dop asau mi amado wa.

Tubun en ago ibol a. Mel nun anda yak ta abi na wa, ago dop lo nai ninilian pe ilog nupanay a.

¹⁸Inai ananem Tamam numado dop an naineg nanug pein, nanug muroug amado wa.

Tubun en in Dabai Geig ak ago ibol a.”

7 ¹O nai bubeg mok, id Anut san awak aban a tinane la yan ninen o, id tinid lo, nutud lo, mel a iganep nun tilasa dan tusuas yau a. Ago

dop idsad rurek Anut lo yan idirad pe idsad kagin gun ak itaotan ilasa wa.

Korint tamolpein ilod ibileksa yan ninen o Pol uyan isusa ya

² An man ninema wo bubem awan apasi wa. Man talpein ta saian mupani man tia yak, man talpein ta malan musue man tia yak, man talpein ta mirawip inſan mel magam man dam tia ya. ³ Ijai ru ago nabol an lo, an ta saian nupanen na da. Tia, nai gubak mi an man manſama bubema buson ago nabol la ya. Gidad man an da sisem tamat boi, tia, an da sisem kumaen tumado bo man, man an ninemi wo tubun mi mamat yau on da. ⁴ Ijai an ninem o ilog tubun mi rumok da, aenta naod na nupitianen na ya, nai ilog an ninemi wo tubun mi ipasti da. Ijai madai fidian lo an ninemi wo yousai ilog lo inaneſute da.

⁵ Saen man Masedonia na mupalu yan, manſama tinima en yaes ta ibal na ya. Aben fidian lo muruan ilasa se ya, tinima patun fo yak wagai mile se yak, agod tinima ilon lo yak rurek tubun mi yen se ya. ⁶ Ak man Anut a tamolpein ilod idu yak dabai ipidinaſi dan, in Taitus iganeſ ipalu yan lo man bubema dabai ipani a. ⁷ An man Taitus ipalu dak lo mi tia ya, tia, an imug Taitus ilo maror apani an lo, in an ninemi wo ilon ipasti a. In ibol ak an nai aliag o ilom ibol da. Ananem ilo tinaſi, ananem ilo panek nai o dam ninen ibol dugo naloſi a. An ninen o anſam kagin an lo nai ilog tubun mok uyanan a.

⁸ Gidad naisag girek nigire yan ilo muruan ipanen ak, gug nai an ninen ilog ta saian na da. Rumok, nai imug ilog saian a, gug gamu man tia ya. Man ata wo? Ijai kuai te nile yak naisag girek an an ilo papao ipanen a, gug man an saen katukan san mi a. ⁹ Ak man gamu nai ilog uyan da, nai an ilo papao nupanen ak o ilog ta uyan na da, tia, an fun man an ibinawaſi pe ilom abileksa wa. Anut sen ilo papao en an lo ago igane ilasa ya, an lo man an mel ta lo mala suek mupanen man tia ya. ¹⁰ Man dugo, ilo papao a Anut talpein ta ilon lo igane ilasa dan lo talpein an iduwip ilon ibileksa wa. Agod an man ilo muruan tia ya. Ak gug ilo papao a tan en san an tamol ta ibinawi na da, tia, in dal saiak lo itor yaup maten ile wa. ¹¹ Man dugo, an ale uyanan a, ilo papao e Anut an lo igane ilasa yen man kagin naok dugo yak ananem madok lo iganeſ ilasa ya. An kagin uyanan lo atur ak, an yanami akubune wo ilom yen dan, ru dabai lo an “ago tia yak” abol dan, ilo urer ipanen dan, man o yaes isofutanen dan, kagin uyan ak dabai lo agane dan, an ansem bu ipanen da. An dal fidian lo man akubiai panama yan lo man, kagin naok naok a agane yan man uyanan mi a. ¹² An ninen o gidad nai girek a imug nigireſ nigane ipalu yan man, talpein a saian igane yan ninen o ta nigire na ya, tia, talpein ta a muruan ile yan ninen o dam tia ya. Tia, girek nigire yan lo Anut malan lo ananem kagin uyan ak man ninema wo dabai lo agane dan kuai te

ilasa dop ale wa. ¹³Amaiak niŋen o aŋsam kagin uyanan an lo maŋ ilo maror apanama ya.

Maŋ mi ilo maror lo ta mumado na ya, tia, saen Taitus san yousai mile yan maŋsama yousai lak na mok yau a. Man dugo, aŋ iŋsan ilo muruan a imug yen an niŋen o aganeg ilon pasauman. ¹⁴Man dugo, Taitus gamugo iliaŋ dugo ŋai iŋ naon na ŋupitiaŋ a, an lo aŋ aŋanem kagin lo miai ta apanag na ya. Mel fidian a murupaiaŋ an man ru rumok a, nek ago mi maŋsama se pitianoŋ ru aŋ niŋemi wo Taitus naon na mabol an dam rumok a. ¹⁵Taida mi, saen iŋ aŋanem awa bek kagin agod arut arer san kagin lo iŋ aŋane yan niŋen ilon isou da, aŋ o tubun mi imat da. ¹⁶Ŋai yousai lo ŋumado da, man dugo, aŋ ŋai awag ari apani an ŋaloŋ fufeŋ a.

Korint adi Kris Judea na yan moni lo dubunawai a

8 ¹Teig taog, maŋ aŋ dal dugo lo Anut san ilo panek an Masedonia midaeŋ luluŋad lo kuai isi ak aloŋ o iloma ibol da. ²Man dugo, iŋ muruan tubun geig ak lo diladu yan man bubed ibitinae a. Iŋ bo filiad tia ya, ago gug iŋsad yousai bubed lo yan tubun geig go iŋ tamolpein aenta dibinawai o ilod yen a. ³Ŋai malag lo ŋile yak niŋen ŋurupaiaŋ da, iŋ iŋsed ilod nam moni sapta a urat aman tia yan dupani wo dutumani a. Agod moni nen isuk isuda geig dutumani a. Kulob an iŋsinad ilod ibol ak fo mi digane ya. ⁴Saen wei mi maŋ dalawan mupasi pidinaŋ dop lo, iŋ Jerusalem san Kris tamolpein dibinawai san urat awan ka digane wo, ilo panek lo maŋ sumiaek dupanama ya. ⁵Maŋ iŋ niŋedi wo marut a, man dugo, iŋsinad ilo sou uyanan ak maŋsama iriŋani a. An lo malan malan iŋsed tinidi Tubun en dupani a, ago gug murna Anut ilon yen dan ate iri panim maŋ banima lo dupalu ya. ⁶An niŋen o maŋ Taitus ru kagin igo murupeŋ a. Wagam iŋ ilo panek urat an aŋ luluŋam lo fun igane la yan niŋen o, gamu iŋ dam aŋ luluŋam lo ipalup urat awan an igane itout a. ⁷Aria, aŋ mel fidian lo aenta ariŋanaŋ da, ilo rumok lo, ŋiŋeŋ lo, maŋau lo, kagin nuŋon ak lo, agod maŋ o amat dan lo dam mi a. Fun an niŋen o kagin aganep ilo panek urat en lo dam aŋ aenta ariŋanaŋ a.

⁸Ŋai aŋ ago agane wo ru kagin ta ŋupanaŋ na da, tia, tamolpein aenta iŋ binawek naon kisaek dupani wo ilod yen da, an niŋen o ŋai aŋanem ilo panek kagin an mel mok boi, tia yak boi, ago ŋibitinae ŋile da. ⁹Man dugo, aŋ Jesus Kristus idsad Tubun en san ilo panek kagin ale aloŋ la ya. Iŋ bo filian tamol a, ago gug man iŋ aŋ niŋem o filian tia yak ago ilasa ya. Ago dop iŋ filian tia yak niŋen o man aŋ filian tamolpein alasa wa.

¹⁰Anaŋar imug ante aŋ imug fun aganeg moni atumani a. An mi tia ya, tia, saen an lo dam kulob an agane wo aŋ ilom bubem fidian imasa ya. Aria, ŋaisag ru kagin nek igo ya, gamu en urat an agane itout a. Aŋ ago agane tap, an aŋ o nek uyanan a. ¹¹Aŋ imug mi urat en fun agane san niŋen ilom tubun mi imasa ya. Amaiak niŋen o aŋanem ilo masak

imug ak iri panim, gamu nek ago mi maeg agane dop urat an agane itout a. Gidad aŋ filian tubun ak amam tia bo man, aŋsam filian a yen dan kabelan mi lo ka abinawai a. ¹²Man dugo, aŋ abinawai o tawaŋ agane tap, Anut malan lo uyanan a. Ak dugo, tamol ta iŋ ka filian a ta yabi na dan ate mel ta iŋanep ipidina ak i? Man tia ya. Filian nek a yabi dan lo mi ibinawai o Anut uyan ipani wa. ¹³Aŋ muruan tubun mi asini dop an lo tamolpein aenta aŋsam filian lo dumado uyan o ŋai ago ta ŋabol na da. ¹⁴Tia, igo ŋabol da. Gamu saen en lo aŋ mel amam da ya, an niŋen o aŋ teim taom katuk amadi an abinawai a. Ago dop man saen aŋ katuk amami dop iŋ naon dibinawaŋ a. An lo man dal naon kisaek mi id fidian o ka yen da. ¹⁵Ru e girek lo yen den igo ibol, “Talpein a anaŋ tubun mi itumani an anaŋ wadan ta yen man tia ya, ago dugo talpein a anaŋ kabelan itumani an iŋ anaŋ lo ta katukan na ya.”

Pol tamol idinaig Korint na diau a

¹⁶Ŋai Anut ilo uyan ŋupani da, man dugo, iŋsen Taitus ilon yabisa ya. Ago tag, nek ibol ŋai aŋ niŋemi wo ilo sou ŋigane dak igo woŋ, ago mi iŋ dam aŋ niŋemi wo ilo sou igane da. ¹⁷Iŋ aŋsam na ipalu da wo musumianig an uyan ibol a. Ak man iŋsen dam urat en igane wo ilon tubun mi yen a, an niŋen iŋsen ilon ibol ago mi ipalup iliaŋ a. ¹⁸Maŋ id teid ta mipiliani ak iŋ da dupalu wa. Iŋ man kamaŋ tamol, ubou ab fidian lo Anut san ru uyanan ifulale fufei da, an niŋen o yaŋan diabisa da. ¹⁹Agod an mi tia ya. Tia, iŋ midaeŋ fidian dipilianig maŋ da moni a ilo panek lo dutumani dan miŋane mitiliani da. Urat migane dan lo Tubun en yaŋan mabisa da, agod maŋanema ilo muŋanek kagin tamolpein malad lo kuai te migane ilasa da. ²⁰Maŋ tamolpein binawek tubun mi digane yak banima lo yen da. Moni an kagin mupani uyanan ak niŋen o talpein ta patuma fo uf igane man mamoi a. Fun amaiak niŋen o maŋ teima en miganeŋ Taitus ida dupalu wa. ²¹Maŋ Tubun en malan lo kagin uyan ak mi migane wa, agod Tubun en malan lo mi tia. Tia, tamolpein malad lo dam ago migane wa.

²²Agod maŋ teima taida midini ak iŋ dam dida dupalu da. Saen wei mi iŋ urat fidian lo mibitinaeg mile yak iŋ urat igane wo ilon tubun mi yen da. Iŋ binawek kagin e agane den iloŋ uyanan a, agod iŋsan ilo rumok aŋ o man tubun geig a. An niŋen o gamu urat en igane wo ilon tubun mi yen da. ²³Aŋ Taitus aloŋ la ya, iŋ ŋai turag, iŋ ŋai da urat naon kisaek migane dan lo aŋ mubunawaŋ da. Maŋ teima uraru en man midaeŋ sad nao ŋilaŋal tamol, iŋsad urat awan lo dam iŋ girager Kristus dupani da. ²⁴Fun an niŋen o midaeŋ fidian naod na aŋanem ilo panek kagin an akubiaip dile wa. Taida mi, maŋ gubak mi tamol en naod na aŋ yaŋam mabisa ya. Aria, maŋsama ru aŋ niŋemi wo nuŋon ilasa yan aŋ gamu akubiaip tamol uraru en dile wa.

Korint adi Anut san tamolpein niñedi wo binawek digane wa

9 ¹Ŋai binawek e Jerusalem tamolpein o atumani den niñen ru milaen mi ta ñigire na wa. ²Man dugo, ñai ñalorj ak aŋ urat en agane wo tawaŋ amado da. An niñen o ñai Masedonia tamolpein naod na aŋ yaŋam ñabisa da. Ŋai igo ñurupidai, “Anaŋar inug ante Akaia tamolpein binawek an digane wo tawaŋ diganeg dumado na ya.” An niñen saen aŋ dam binawek an agane wak ago dulorj an, Masedonia wei mi ilod yabisag iŋ dam binawek an digane wo tawaŋ dumado ya. ³Ak man ñai teig taog ñidinaig dupalu dan iŋ abanj dukubiani dile dop, an lo maŋ awama lo yaŋam mabisa dan ru kawan igo ta dile na wa. Ŋai tamol amaiak aŋ urat en agane wo tawaŋ aganeg amado dan ago ñurupidai a. Aria, nek ibol ñai ñabol ago mi aŋ agane wa. ⁴Kabelan Masedonia aenta ñai dadi mupalup aŋ mala nouk ta agane na yak ago diliaŋ dop, an lo maŋ miai ifunama banau. Miai tubun mi aŋ sem ipanaŋ an niñen o, ru ta ñabol san tia ya. ⁵An niñen o ñai teig muroug en ñidinaip dunug aŋsam na dupalu wo ago ilo sou ñigane ya. Iŋ aŋ dibinawaŋ pe binawek agane wo abol la yan, san melmel sisem atumani wa. An lo saen ñai ñupalu dop man tamolpein malad ipalup aŋ ilo uyan lom binawek agane yan dile wa. Kabelan tamolpein an maŋ aŋsam filiam atumani wo mududuwaŋ dak ago dubol banau.

⁶An niñen aŋ ilo isou agane uyan. Talpein anaŋ kabelan ipae an nuŋon kabelan iŋane wa, agod talpein anaŋ tubun mi ipae an nuŋon tubun mi iŋane wa. ⁷An niñen o aŋ fidian ilo sou agane wo uyan gup, mel dugon binawek agane man ago agane wa. Kabelan talpein ta ilon muruan anda mel iŋane banau. Tia, kabelan iŋ mel iŋane wo disisiŋanid ibol banau. Man ata wo? Anut iŋ talpein a buben ñutun fidian lo mel ipani wo ilon yen dan niñen o imat da. ⁸Anut iŋ aŋ mel naon dugon niñen amat dan fidian ka ipanaŋ san idaisuda ya, an lo aŋ mel fidian idaisuda wa. An niñen o saen fidian aŋ mel amam da amado wa, an lo urat uyan ak fidian lo binawek tubun mi aŋ ka agane wa. ⁹Anut san ru girek lo ago ibol,

“Anut san talpein binawek wei mi iwae da,

iŋsan binawek dufurak go tamolpein filiad tia yan diŋane ya;

iŋsan kagin itaotan ak pempem mi kuai tem yen yau a.”

¹⁰Anut iŋ tamol anaŋ ipae dan anaŋ kubulan ipae wo ipani da, agod iŋ dam anaŋ taidam tamolpein diani wo ipidinai da. Iŋ iŋanep aŋanem kubulam wei mi igile wa. Ago dop lo aŋanem kagin itaotan an tubun geig a, nek ibol tamol anaŋ ipaeg nuŋon pempem ifu dak ago mi wa.

¹¹Anut dal fidian lo filian tubun mi ipanaŋ a, ago dop man melmel fidian lo nek ibol Anut banin ibiseid ago mi aŋ dam banim abisei wa. Ago dop tamolpein wei mi aŋsam binawek maŋ banima lo diŋane dan lo Anut ilo uyan tubun mi dupani wa.

¹²Man dugo, an̄sam binawek urat agane dan lo Anut anen tamolpein abinawai uyanan a. An mi tia ya, tia, an̄anem ilo mujanek kagin dile dan lo ilod yabisap Anut ilo uyan tubun mi dupani wa. ¹³An̄sam binawek urat Kris adi Jerusalem na dumado dan niñedi wo agane dan lo, tamolpein an̄ dukubianan̄ dilian̄ a, agop in̄ malad ipalup an̄sam kagin itaot an kuai te ilasa dop dile wa. An lo in̄ dulon̄ ak an̄ bilalun̄ a Kristus ninen ibol dan an̄ane mok a, an lo in̄san ru an aganuri da. An̄sam binawek tubun mi in̄ lo agod tamolpein sen ak lo agane yau dan lo in̄ Anut yan̄an diabisa wa. ¹⁴An ninen in̄ ilod bubed fidian an̄ dupanan̄ dop an̄ niñemi wo Anut dugudani wa. Man dugo, in̄ dulon̄ ak Anut san ilo panek senamo geig ak an̄ ilom lo awan isa ya.

¹⁵Id bubed n̄tutud lo Anut ilo uyan tupani wa, man dugo, in̄san lou a kawan ipanad an tubun geig a, an ninen o id tiñin̄en san tia ya.

Pol in̄san aposel urat ninen o targiranek ru ibol a

10 ¹Tamol aenta n̄ai ai dupanag go ago dubol, “Saen Pol id da tumado yan in̄sen yabi idu ya, gug saen id ibisawad go asau mi imado yan in̄ ru dabai nam irupaiaid da.” Ak gug n̄ai Pol, n̄ai nek ibol Kristus in̄sen yabi idug mos nam kulob igane ago won̄, n̄ai an̄ ru e mos nam n̄rupaian̄ den alon̄ uyan o n̄sumianan̄ da. ²Saen n̄ai an̄sam na n̄upalu dop, aenta an̄ lulun̄am lo dumado dan ru dabai nam n̄upidai o ago n̄ai ilog ta yen na da. Amaiak ninen o an̄ kagin agane wa, man dugo, n̄ai tamol a in̄ n̄ai tan en san tamol sad ilo sou lo urat n̄iganed dubol dan ru dabai nam n̄rupidai dop dudu diau a. An ninen o n̄ai igo n̄rupaian̄ da, an̄ ru naok ago n̄upan̄an̄ o n̄ai ta asodudunag na wa. ³Man dugo, man̄ bo tan en lo mumado mator da, ago gug man man̄ tinima tan en san bunun lo ago wagai ta migane na da. ⁴Man ata wo? Man̄ yu dumui nam wagai migane dan tan en san tia ya. Tia, man̄sama yu san bioun̄ man Anut lo mi dabai geig a, ago dop lo man̄ ka ager sad abed dabai dabai ak murube wa. ⁵Man̄ tamolpein sad ilo sou mibilai dudu da. Ilo sou a sed ibiaisa dop lak na isuda yau dan lo tamolpein Anut dulon̄ san dal dufou dan fidian murube da. Agod man̄ tamolpein sad ilo sou fidian mufutanig Kristus mi awan paen na midirai diau a. ⁶Man̄ an̄ malam migane da. Malan malan an̄ Kristus awan paen na amado mok tap, an̄sam awa yabek kagin an̄ an̄ idaisuda wa. Saen ante mi gup man̄ tamolpein awa parsisalek digane dan muruan mipidinai o tawan̄ miganep mumado wa.

⁷An̄ mel nek a kuai te yan mi ale da. Tamol ta an̄ lulun̄am lo in̄ Kristus san tamol mok ibol tap, mel en ninen fon ilon isou uyan a. In̄ Kristus san ibol tap man, man̄ dam nek in̄ ibol ago mi a. ⁸Tubun en sen man̄ an̄ mupitiñinan̄ o yan̄ak ta ipanama na ya, tia, man̄ an̄ dabai mupan̄an̄ o ago igane ya. Ago dop n̄ai se pitianoi ru an kitek tubun mi niñin̄en tap, ru an ninen o miai ta ifunag na wa. ⁹Dugo, n̄aisag girek e n̄gire den lo

an rurek nupan an ak ago abol di? Tia mok a. Ilo sou ago agane dan nai namoi da. ¹⁰Man dugo, tamolpein aenta igo dubol, “Pol san girek an ru dabai funfun lo igire ya, ago gug saen in sen ipalup id lulun ad lo ru ifulale tap, in san ru an dabai aman tia ya, agod in san nin en man kawan a.” ¹¹Talpein ru ago dubol dan in ilo sou ta digane uyan na da. Man dugo, saen man asau mi mumado dan, kagin naok a dugo migane san nin en man sama girek lo mabol dan, saen man an da tumado wan kagin naon kisaek an mi migane wa.

¹²Tamol a anjanem leil lo yan ad aman da yan nin edi wo, man man tamol naok ago yak tia ya. Kabelan man yan ak ago yak minane banau o marer da. In dag tamol tutubu boi, man dugo, sed ipitianai dugo sed yan ad diabisa da. Ak gug nek in sed yan ad diabisa ago mi, man sama yanama mabisa san tia ya. Tamol naok ago yak dugo won sed ikubianai di? In in sedi lo nug dukubiani dile da, in in sedi lo dam sed tou amad diabi da. Talpein ago digane dan man au amad tia mok a. ¹³Ak gug man tubun mi sema ipitianamap, lo tom a Anut man o igane yan ta mabi-rinani na wa. Tia, tom an ilon lo mi mumado yau a. Agod an sem tom a Anut igane panama yan patun fo ta amado na da, man dugo, Anut sen idiramag in san urat migane wo an sam na mupalu ya. ¹⁴Anut urat awan ipanama yan an dam ituan an a, an nin saen man an lulun am lo ru mufulale yan tom a Anut ipanama yan ta mabi-rinani na ya. Tia, man mi malan mamug go bilalun uyanan a Kristus nin en ibol dan mufulale wo an sam na mupalu ya. ¹⁵Man tamol aenta sad urat awan nin en o sema ta ipitianama na da. Man ata wo? Man man sigama ar ilon lo mi mumado dugo mator se ya. Ago gug man iloma igo yen da, saen an sam ilo rumok italbusi dan man sama urat awan a an lulun am lo yen dan dam itufalak pe yau a. ¹⁶Man tan titin aenta an patum fo dien dan, ante dam bilalun uyanan Kristus lo yan nin ka mabol ilasa wa. Man tamol sen ak san silali naon nin en o sema ta ipitianama na wa. Tia geig a. ¹⁷“On talpein ta yan an wabisa wo ilo yen tap, Tubun ak mi yan an wabisa wa.” ¹⁸Man dugo, talpein a sen ipitianip sen yan an mi yabisa dan, in Anut malan lo man yan an tia ya. Ak gug Anut talpein ta ipitiani wo tap, aria, talpein nek an mi yan an aman da ya.

Pol in aposel sewak dida

11 ¹Ak dugo, nai gidad aliafunag dop ru burau ta kitek nabol ak i? (An nai aliafunag on dugo ago ngane la ya, ago yak nin en o nek ago mi ngane yau a.) ²Anut turak isusa dan lo man, nai an nin emi wo dam turak nususa da. Man dugo, nek ibol nai pein baras ta in san iwon nin en nupani igo won, naiseg mi an Kristus san ak alasa wo npilian an a. ³Nai ilog irer da, kabelan supalek ru lo wagam mi geig mot Ewe irawi igo won, ru sewak ta an ilo burau ipan an banau. Man dugo, kabelan

tamol tata an ilom dijane dop lo an ikok kagin agod rumok kagin dam a Kristus lo yen dan abiseip, ilo sou kawan ak ari apani wo man nai njamoi geig da. ⁴Man dugo, tamol ta ansam na dupalug Jesus sen ak ta san ru dufulale ya, ak gug Jesus an man Jesus e insan ru man mufulale den ago tia ya. Agod insad ru lo an ur naon senamo ak anane ya, gug ur an in Urgun a imug mi anane yan da kisaek mi tia ya. Taida mi, bilalun naon senamo ak dupanan go anane ya, gug bilalun wagam a anane yan ago tia ya. Ak dugo, saen in kagin ago digane yan, an patum apidinai ak i? Man tia ya, an kududom agureg dagom lo in awad paen na sem idiran go amado ya. ⁵Aposel adi nek a “aposel malan te yak” ago abol dan, naisag leil lo man in nai ta dirinanag na da. ⁶Gidad, nai njen lo ta uyan na ya, ago bo man, naisag manau Kristus lo man ta katukan na ya. Saen fidian mansama kagin naok naok dugo migane dan lo mansama manau an mukubiaig ale se ya.

⁷An alon ak, saen nai Anut san bilalun uyan ak an lulunam lo nufulale se yan lo, nai urat naon ta njane na ya. Kagin an lo seg ibiag nadu dugo an njianja ya. Ak dugo, kagin ago njane yan lo aupasek njane yak i? ⁸Nai dam midaen aenta sad moni ngam a. Dal dugo ngam ak i? Saen nai an lulunam lo nmado man, midaen aenta sad silali naon njane se ya. Nai kagin an lo gumagam urat njane se ya. An igo ya, nai midaen aenta insad moni digane ipalug njane yan lo nai an njibinawan a. ⁹Saen nai melmel tiag an lulunam lo tumado yan, nai talpein ta an lulunam lo muruan ta npuni man tia ya. Man dugo, nai teig taog Masedonia dubuseig Korint na dupalu yan in nai mel dugon lo katuk amag an lo dibinawag uyan a. Ata wo? Nai muruan npunan o ilog ta yen na ya. Gamu naisag ilo sou an naon kisaek en mi, murnap dam nek ago mi wa. ¹⁰Nai igo nabol, tan Akaia san titin fidian lo man, talpein ta nai urat naon ta njane na dop lo, seg yanag nabisa dan njen naisag dal ifutani san tia ya. Rumok nunon, talpein ta naisag se pitiano ru e nabol den njen o nai awag igane itau tap man, Kristus san ru rumok an nai lo ta yen na da! ¹¹Fun ata wo nai urat naon ta njane man tia yak i? Ata wo, an njem o ta nmat na di? Tia geig. Anut insen lon uyan ak, nai an njemi wo tubun mi nmat da.

¹²Tamol a sed yanad diabisa dan, insad urat an nek ibol mansama ago dubol da. Mel an ilasa san njen o dal aban dile da. Ak gug nai urat naon tia yak lo ago njibinawan dan, dal an lo in naod nufutani da. Agod nai nek ago mi njane dop nmado wa. ¹³Tamol naok an man in aposel sewak adi, raek tinadi, agod urat tamol sewak a. Insad naod tinid dibileksa dibilekla dan lo tamolpein dirawai dop in Kristus san aposel mok dubol da. ¹⁴Gug an insad kagin an njen ta arut na wa. Man dugo, Satan sen dam ago naon tinin ibileksa ibileklap in enel sijaokan ak lilaman lo ided dak igo won kuai isi da. ¹⁵An njen Satan san urat tamol

injsad naod tinid dibileksa dibilekla dop in kagin itaot ak san urat tamol ago dubol tap, an ningen id ta tumasa saian na wa. Murna dop ijaned pani naon urat dugo digane yan atem itaot dijaned wa.

Pol madai isini ak ningen o se pitianoi ru ibol a

¹⁶Ŋai fon ŋabol dak, an ŋai tamol burau ta abol na wa. Gug an ŋai burau tamol abol tap, gidad aliafunag dop ru burau ŋabol yau a, ago dop seg yanag kitek ka ŋabisa wa. ¹⁷Ŋai Tubun en san ilo sou lo ŋinen ta ŋigane na da. Tia, ŋai tamol burau ak ŋininen on go se pitianoi ru ŋabol da. O kabel, ŋai ŋalon ak seg yanag ŋabisa dan man ru ŋineo mi a. ¹⁸Ago gug tamolpein wei mi in tan san kagin mi diganurig ningen o sed yanad diabisa da, amaiak ningen o ŋai dam ago ŋiganep se pitianoi ru ŋurupaian alon a. ¹⁹Man dugo, an ilo uyan lo eilafu dugo burau tamol sad ru ŋineo dubol da. Man ata wo? Manau man an Korint midaen tinim lo yen da! ²⁰Ak dugo, talpein ta an isubanan pe injsan urat agane boi, tia, ananem filiam igane itout boi, tia, an irawan ifunan boi, tia, injsen mi yanan anda yak ibol boi, tia, kudanam igufte boi, an ago igane tap, gidad alefunip awan abol dop amado wa. ²¹O kabel miai ifunag da. Man dugo, kagin naok an migane san man dabai ama tia ya.

Ak man talpein ta sen ipitianip sen fun ifulale wo igane tap, ŋai dam se pitianoi kagin lo seg fug ka ŋufulale wa. Ak man gidad, ŋai ŋalon ak tamol burau igo won ŋininen da. ²²Tamolpein an Hibu i? Aria, ŋai dam Hibu tamol. In Isrel i? Aria, ŋai dam Isrel san tamol. In Abraham san gugoi lo dupalu i? Aria, ŋai dam injsan gugoi lo ŋupalu ya. ²³In Kristus san urat tamol i? Aria, ŋaisag binawek urat injsad irinani a. (An lo, rumok, ŋai tamol burau on ŋininen da.) Saen wei mi ŋai subanek ab lo dibilag ŋiladug dufunag malag dusue se ya. Saen wei kasik dufunag se yan mater ŋumeik ŋupani se ya. ŋaisag muruan a ŋisini se yan aposel sewak adi sad muruan naon dugo yak fidian lo ŋirinani a. ²⁴Juda adi saen 39 ŋai rasau^a nam dufunag a, agod kagin naok an mi saen 5 ŋai tinig lo digane ya. ²⁵Saen utol ŋai bu nam dufunag a. Nal kisaek pat nam dubal funag o digane se ya. Nal utol wog lo ŋator an wog isarir a, agog nal kisaek tidom kisaek ŋai beig aten fo ŋafot ŋator a. ²⁶Saen wei mi ŋai panu asau mi ŋau se ya, ago dop you lo ŋisarir o ŋaton se ya. Saen aenta gumagam tamol adi banig na biouŋ disini wo digane se ya. ŋaisinag turag muroug diginiag saian o digane se ya, gob adi dam diginiag saian o digane se ya. Panu tutubun ak lo ŋumado dop muruan ŋisini se ya, fon tan kawan ak lo ŋumado dop dam muruan ago mi ŋisini se ya. Beig lo ŋadeg o ŋumeik se ya. Teig muroug sewak adi dam banid lo ŋamat o ŋumeik a. ²⁷Ŋai urat naok funfun lo wagai mok ŋigane se ya.

^a Lubum

Ŋai saen wei mi tidom urat ŋigane se yan malag ŋion tia ya. Ŋai tiŋaeg anan tia you o ŋamat dop anan ta ŋiŋane uyan se na ya. Ŋai dog madid ate ŋadu dop yamel kulos ta lo tinig ŋutuani san dam tia ya. ²⁸Agod ŋai muruan taidam tinig lo igo dilasa ya. Ŋai saen wei mi midaen dugo kagin ŋupidinai uyan san ilo sou tubun mi ŋigane da, an lo dam muruan tubun mi ipanag on da. ²⁹Saen Kris ta iŋsan dabai idu tap, ŋai dam ŋaisag dabai idu se ya. Talpein ta tinin lo Kris ta aupasek lo yau idu tap, talpein an niŋen o ŋai ilog tubun mi wananan anda ŋumado se ya.

³⁰Aria, an ŋai asodudunag pe se pitianoi ru ŋabol tap, ŋai ru naok igo yak ŋabol a. Kagin naok naok nek a ŋai tamol dabai ag tia yak on kuai te igane ilasa dan mi, niŋedi wo seg ipitianag a. ³¹Anut in Jesus idsad Tubun en san Anut, agod iŋsan Taman, in yan an dam pempem per tupani wa. Anut en ilon ak ŋai ta ŋiraek na da. ³²Damaskus na ŋumado dugo Kiŋ Aretas san kiap in aikatuk idinaig taun san dalawan ate idiraig dutur se ya, an lo ŋai diŋiliag pe dusubanag o tawan digane ya. ³³Gug saen an ŋai muroug adi udou lo ditiniag go, taun an san mutunuk ta lo duyuwag go ar patun fo ŋadug, kiap an san ager adi ŋiriŋanaig ŋasol go ŋau a.

Anut Pol dal ikubiai pani a

12 ¹O kabel, an ŋai asodudunag dugo se pitianoi kagin ŋigane yau da. Rumok, kagin naok en ibinawad san tia ya, ak gug gidad, ŋaisag ŋionamin, agod ru mianuk Tubun en ikubiai ŋile yan ŋabol ilasa wa. ²Ŋai tamol ta Kristus lo imado dan ŋalon a. Tamol en ananar 14 yau la yan lo Anut iŋaneg, did aben a malmalan an ibiseig, tinin te yan ibiseig, aben a lak na geig ante yau a. Ak dugo, tinin aman da imado di? Tia, tinin ibisei i? An ta ŋalon na ya. Anut mi in ilon a. ³Agod ŋai ŋalon ak Anut tamol en iŋaneg kumaen panu lo yau a. In tinin fidian mi yau boi, tia, ŋutun mi yau boi, an ŋai ta ŋalon na ya. Anut mi in ilon a. ⁴Agod tamol an kumaen panu lo ru nek a in mi kududon ilon go in mi ilon lo yen san ilon a, ru an ibol san in ta ilon na ya. Agod melmel a niŋed ta ibol o Anut ibol an dam kududon ilon a. ⁵Ŋai talpein en mi niŋen o se pitianoi ru ka ŋabol ilasa wa, ak gug ŋaiseg niŋeg o seg ta ipitianag na wa. Tia, ŋai dabai amag tia yak niŋen o mi seg yanag ŋabisa wa. ⁶Ŋai se pitianoi ru ŋabol o ilog yen tap, ŋai burau tamol tia ya, man dugo, ŋai ru rumok ak mi ŋabol da. Ak man ŋai ago ŋigane wo man ŋamoi a. Man ata wo? Tamolpein in ŋaisag naok naok dile wak, ŋaisag ru ŋufulale dan dulon ak, ago dop an lo ilo sou itaot ŋai lo digane wa. Kabelan in ŋai tamol senamo geig ak ago dubol banau.

Mel ta si igo won Pol tinin isueg madai ipani na ya

⁷Anut ŋai ŋionamin lo mel uyan uyan ak wei mi ikubiaig ŋile ya. Ago gug man ŋai mel en ŋile ŋalon an niŋen seg ipitianag o man in imoi a.

Amaiak ningen o in mel ta nek ibol si on iganeg ipalug nai tinig lo yen dugo madai ipanag da. Mel an man Satan san urat pinein, an lo nai muruan ipanag da. Mel an nai ibiag ndadu dop seg yanag nabisa namoi o igane da. ⁸Saen utol Tubun en mel an ipasi yau wo nusumiani a. ⁹Gug in nai igo irupaia, “Naisag ilo panek man on o idaisuda ya. Man dugo, naisag dabai en on dabai ama tia yak lo itaotan ilasa da.” Fun an ningen o nai ilog uyanan dak, nai tamol dabai amag tia yak igo numado da. Ago dop lo Kristus san dabai an mi nai lo ka yen a. ¹⁰Amaiak ningen o nai Kristus wagen lo man, gidad nai dabai amag tia yak, dububanag se yak, muruan dupanag ak, tinig dipitinini ak, saian funfun lo nisida yak ago tap, nai ilo uyan lo mi numado wa. Man dugo, saen nai tinig dabai an tia dop, ante naisag dabai tubun kasik ilasa da.

Pol in san ilo muruan Korint tamolpein ninedi wo ibol a

¹¹Nai tamol burau nininen on da, man dugo, ansem nai ago nininen o agane da. Ansem mok naisag naok naok uyan an abol ilasa wa, ago gug ago agane man amoi a. Fun an ningen nai seg fug nabol ilasa ya. Rumok, nai tamol kawan a, ago gug an sam “aposel malan te yan” ta in nai diriganag man tia ya. ¹²Ata mel nai an lulunam lo numado dugo nigane na yan, in itaot nai aposel rumok an ikubiai ale ya. Nai muruan fidian lo natur sakar dugo naisag urat an lo kulob girager funfun, urat dabai dabai ak an lulunam lo nigane ilasa na ya. An mi nai Anut san urat mok nigane dan ibol ilasa ya. ¹³Kagin naok nek a an lulunam lo nigane yan ago mi, midaen aenta lo dam nigane ya. Mel kisaek mi an lulunam lo ta nigane na ya. Nai an anan ata mel taida lo binawek apanag o ta nududuwan na ya. Kagin an lo nai au nupas tap, gidad naisag aupasek an ilom in aon a!

¹⁴Gamu en naisag nal utol fon an sam na nupalu da wo aban nukubune da. An ningen saen en dam nai an muruan ta nupanag na wa, man dugo, nai an sam bioun nisini wo ilog ta yen na da. Tia, nai an mi ninilian a. An alon ak nanuk in anan o aban dilep tinad tamad ta dipidinai na da, tia, tinan taman mi in anan o aban dilep nanuk dipidinai da. ¹⁵Nai ilo uyan lo mi naisag mel fidian, naiseg tinig dam, an nutum nibinawi wo nupanag a. En dugo, nai ilog bubeg fidian an nupanag tap, an ningen o an ilom bubem kitek ka nai apanag ak i? ¹⁶Gug an sam tamolpein aenta nai nireg igo dubol da, “Rumok, in mel kuai te inane san tia ya, ago gug man id irawad dop mianuk lo mi mel inane san man ilon uyanan a.” ¹⁷Ak dugo, nai tamol a nidinaig an sam na dupalug dirawan dugo an sam mel disinig naisag na dupalu yak i? Tia geig a. ¹⁸Nai Taitus ilo sou nupanig an sam na ipalu ya, ago dugo teima Kris ak ta nipilianig ida dupalu ya. Ak dugo, Taitus irawan dugo ananem melmel igam abol di? Man tia geig a, man dugo, in nai da Ur kisaek lo mator dak, mansama turen naon kisaek ak, man sisem nug nien aban muri mau da.

¹⁹Ak dugo, an ilom lo man ru fidian e migire yen lo sema itargiranama wo migane dak ago abol di? Man ago ta migane na da. Tia, man Kristus san ak mumado da, agod man Anut malan lo ru fidian nek e mabol den man ibinawan pe atur sakar o mabol da. An mansama bubema mok.

²⁰Ŋai ilog irer da. Kabelan Ŋai ansam na nupalu dop, Ŋaisag ilo sou lo an dugo amado dop ŋilian o ilog ibol dan, ago ta ŋilian banau. Agod fon, kabelan an dam Ŋai tamol naog dugo aliag o ilom ibol dan ago ta aliag banau. Kabelan kagin naok igo yak an lulunam lo yen banau. Nug paek kagin, turak susak kagin, tiŋae saiak kagin, onse mi wo ilo sou gane san kagin, pilapil ru kagin, uf kagin, kabuŋa sakar kagin agod urat kubulek kagin. ²¹Saen Ŋai ansam na nupalu dop Anut Ŋai an naom na miai ipanag an ninen ilog irer da. Kabelan tamolpein a gubak mi au dupas gug ilod ta dibileksa na yan, kagin saiak saiak lo, jeit kagin lo, kagin nun aman da yak lo, ditor yau na yan ninen patud ta dupani banau. Ŋai kagin naok ago yak ŋile tap man, Ŋai miai ifunag dop tinan ŋigane wa.

Pol Korint adi ru kagin irupidai a

13 ¹Gamu Ŋaisag turen saen utol ansam na nupalu da wa. Saen an talpein ta ru apani wo dan, an imug mi tamol uraru boi, tia, tamol utol boi, in sed malad lo talpein a muruan igane dugo dile yan anjal pe, balsinanek ru dubol ilasap alon a. ²Nek ibol Ŋai Ŋaisag turen saen uraru tinin te yan lo ansam na nupalu ante ru kagin nŋurupaian an igo won, gamu Ŋai fon ansam na nupalu da wo ru naon kisaek en fon nabol da. Saen Ŋai ŋamul dan, tamolpein a gubak mi aupasek digane na yan, fon gamu ago mi digane yau dan, patud nupasi san tia ya. Tia, bitinaek lo nŋidiraip muruan tubun ak nŋupidinai a. ³Ŋai ago ŋigane yan lo man, Kristus Ŋai ilog lo irupaiaŋ dugo dal ikubiai panag dan ale alon uyan mok a, man dugo, mel ta Ŋai yanag anda yak ago ikubiai panaŋ san ilom ibol da. Aria, kagin agane wa, saen Ŋai ansam na nupalu wan kulob dabai anda yak ŋigane wan kuai tem ale wa. Kristus an lulunam lo dabai an ta tia na ya. Tia. An lulunam lo man in dabai geig a. ⁴Rumok, wagam in dabai aman tia an lo in aigim fo dubali a, ago gug in maten lo imasag gamu Anut san dabai lo mi kumaen imado da. Nek ago mi man Kristus da tinima tan en san an dabai amam tia ya, ago gug man Anut san dabai lo man in da sisem dabai amama da ya, an lo man in da mumado dop an mibinawan a.

⁵An ananem ilo rumok lo sem ibitiniŋ dop alon a, an ilo rumok san dal ari uyanan boi, tia boi, an alon uyan a. An sem ikubianan dop ale wa. Jesus Kristus in an lo imado da, dugo, an ta alon na i? Kabelan saen an sem ibitiniŋ dop man, an ta Kris mok na yan ale banau. An fun man Jesus an lo ta imado na da! ⁶Ŋai ilog yen dak man, saen mansama kulob bitinaek lo adiri dop, ansam leil lo mansama urat an lulunam lo

nujon anda, an kuai te ale wa. ⁷Manj Anut mugudani da, ago dop man aŋ ibinawaŋ dop kagin saiak ta lo au adu san tia ya. Aŋ manj Kristus san urat tamol igo aliama wo ru igo ta mabol na da. Tia. Gidad manj urat tamol sewak ak abol a, ago gug man manjsama ilo sou tubun man aŋ aŋanem kagin itaot ak mi agane wo mamat da. ⁸Man dugo, manj kagin ta lo ru rumok ak malan musue wo migane san tia ya. Tia, kagin a ru rumok ak ibalsijani san an mi manj ka migane wa. ⁹An niŋen o aŋ dabai amam da amado dop manj dabai amam tia tap, an uyan a. An niŋen o aŋ aŋanem Kris kagin akubunep dabai ilasa san niŋen o pempem Anut mugudani da. ¹⁰Ijai ru dabai en saen ŋai aŋ giranem na ta ŋumado na dugo ŋigire ya. Man dugo, saen ŋai aŋsam na ŋupalu dop, ru dabai nam ŋurupaiaŋ dop aŋanem kagin ŋukubune wo ilog ta yen na da. Tubun en sen mi ŋai aŋanem ilo rumok dabai ŋupani san urat awan en ipanag a, iŋ ŋai aŋ ŋibiaŋ adu wo urat en ta ipanag na ya.

Pol san ilo uyan ru

¹¹Teig taog, gamu ŋai ru wadan ŋufutani dugo ilo uyan ru ŋurupaiaŋ da. Aŋanem kagin naok naok akubune wa. Aŋ ŋaisag ru kagin aloŋ uyan a. Aŋ ilom atumanip bubem kisaek amado, maror lo amado wa. Ago dop Anut a iŋ ilo panek san, maror san dam, iŋ aŋ da amado wa. ¹²Aŋ nugug lo nug musuk gun ak apani dop nug ilo uyan apani wa. ¹³Anut san tamolpein fidian etna dumado den aŋ ilo uyan ru durupaiaŋ da. ¹⁴Jesus Kristus idsad Tubun en san ilo maror, Anut san ilo panek, agod ilo tumanek e Awan Urgan lo yen den aŋ da amado. Rumok.